

non ego dicebam in perpetuom ut illam illi dares,
verum ut simulares. *CH.* non meast simulatio ;
ita tū istaec tua misceto ne mē admisceas.

egōn quo daturu' non sum, ut ēi despondeam ?

785 *SY.* credebam. *CH.* minime. *SY.* scite poterat fieri .
et ego hoc, quia dudum tu tanto opere iusseras,
ēo coepi. *CH.* credo. *SY.* ceterum equidem istuc,

Chreme,

aequi bonique facio. *CH.* atqui quam maxume
volō te dare operam ut fiat, verum alia via.

790 *SY.* fiat, quaeratur aliquid. sed illud quod tibi
dixi de argento quod ista debet Bacchidi,
id nunc reddendumst illi : neque tu scilicet
illuc confugies : "quid mea ? num mihi datumst ?
num iussi ? nūm illa oppignerare filiam

795 meam mē īvito potuit ?" verum illuc, Chreme,
dicunt : "ius sumnum saepe summast malitia."

CH. haud faciam. *SY.* immo aliis si licet, tibi non licet :
tomnes te in lauta et bene acta parte putant.†

CH. quin egomet iam ad eam deferam. *SY.* immo
filium

800 iubē potiu'. *CH.* quām ōb rem ? *SY.* quia enim in eum
suspiciost

translata amori'. *CH.* quid tum ? *SY.* quia videbitur
mage veri simile id esse, quōm hic illi dabit ;
et simūl conficiam facilius ego quod volo.

ipse adeo adest : abi, ecfer argentum. *CH.* ecfero.

35

40

45

50

55